

## MATERIALIS, CURSUS E LABBORATÓRIUS NOUS!

Seus acanta de lompi a s'acabbu de su progetu 2024 de s'Ufitziu Lingua Sarda de su Sàrrabus. In custus mesis s'operatori Danilo Melis at prodùsiu medas materialis: is Arrégulas po scriri beni in sardu; una primu versioni de su Retzetàriu Sarrabesu; un'àtera primu versioni de "Santus e Festas de su Sàrrabus"; su materiali de Stória Sarda e de su Sàrrabus (825 pàginas!) dae su Paleoliticu a su 1948; su libbureddu Sa Naturalesa de su Sàrrabus dedicau a is àreas SIC e ZPS, a sa flora e sa fàuna de su territòriu. Totus custus materialis luegus s'ant a podi scarrigai in su situ istitutzionali de su Cumunu de Santu 'Idu [www.comune.sanvito.su.it](http://www.comune.sanvito.su.it) in sa setzioni dedicata a s'Ufitziu Lingua Sarda de su Sàrrabus / Sportello Lingua Sarda.

Ma is novidadis no acabbant innoi, est ora de fai su de tres cursus de su progetu, custa borta dedicau a s'economia sarrabesa. O mellus, eus a imparai a scriri e fueddai beni in sardu arrexonendi de s'economia nosta! Su cursu cumentzat su 2 de mesi de ladàmini, funt in totu 12 letzionis, dae is 15:00 a is 17:30 in s'EXMU (su Cumunu Béciu) in Bidd'e Putzi. Est totu a indonu (gratis) po is cidadinus (de dónnia bidda), giai chi su progetu est finantziau dae sa L. 482/1999 e dae sa L.R. 22/2018.

Invècias po is pipius seus cuncordendi tres labboratórius didàticus gratùitus:

- jòbia 26/09 in sa Domu de is Càlius in Santu 'Idu, h. 16:00, faeus su labboratóriu de su sulitu. Is pipius ant a imparai cumenti si fait cussu strumentu musicali e finas is launeddas. E a pustis si imparat a sonai!
- martis 01/10 in s'Oratóriu Carlo Acutis de Bidd'e Putzi, h. 15:30, faeus su labboratóriu de s'arxidda. Is pipius ant a imparai a trabballai s'arxidda siat a manu chi cun su turnu podendi espressai sa fantasia e creatividadì in soru.
- in mesi de ladàmini (dii de cuncordai) in Murera, eus a fai su labboratóriu didàticu de tessìngiu. Is pipius ant a podi imparai cumenti si filat sa lana e a pustis cumenti si trabballat a su trelaxeddu, po fai unu aratzu o unu centrinu.

Po dónnia cosa cuntataisiddi e sigheisiddi me in is sócial!